

Evelyn Wever-Croes(MEP)

MEP a entrega un mocion pa ehecuta un investigacion di echo

ORANJESTAD - Diahuebs ultimo a tuma luga e reunion relaciona cu proyecto di hospital cu fraccion di MEP a pidi mas cu un aña pasa. Remarcabel ta cu di cuminamento nos a cuestiona ful e proceso dudoso y no transparente y a haya ta necesario cu e Minister en cuestion mester bin parlamento pa rindi cuenta.

Hecho ta cu tin un cantidad di irregularidad cu a tuma luga entre otro cu e bidding mes, exclusion di salanan di operacion y esakinan mester a wordo discuti.



Pa bay mas den detaye e proyecto di renobacion y expansion di dr. Horacio Oduber Hospital a wordo aproba riba 9 januari 2013 aproba pa parlamento pa un suma di 252 miyon florin. E proceso di destaho a continua entre 2 compania Arellano y Bouygues. Finalmente e proyecto di renobacion y expansion di dr. Horacio Oduber Hospital a wordo otorga na e compania Arellano pa. 249.9 miyon, cual compania tin menos experiencia cu otronan y a ofrece inicialmente e prijs di mas halto.

Esaki caba tawata un punto

di cuestion. Ademas a resulta cu partinan vital di un hospital, manera sala di operacion, no ta inclui den e proyecto di renobacion y expansion di dr. Horacio Oduber Hospital. Mester enfatisa cu pa inclui e partinan vital aki, mester aloca mas fondo cu e suma aproba anteriormente, cu ya caba a wordo surpasa. Esaki ta un motibo cu automaticamente ta crea un mas duda y cu e proyecto di renobacion y expansion di dr. Horacio Oduber Hospital mester wordo para, te despues cu Parlamento duna su aprobacion pa e sumanan adicional E diferente motibonan a

pone cu fraccion di MEP hunto cu fraccion Democracia real kier haya claridad di full e proceso y relaciona cu esaki a haci entrega di un mocion pa urgi gobierno pa institui y presenta e investigacion di echo independiente den termino di 2 pa 3 siman aki na Parlamento prome cu por dicidi riba e aprobacion di un suma adicional.

Fraccion ta di opinion cu e transparencia a laga di desea y cu pueblo merece di por wordo bon informa na kico su placa ta bay cual ta motibonan suficiente pa entrega di e mocion. □